

assez forte a La priere, ie les traite en apparence vn peu mal et leur demende, sy fes paroles quon dit deux fouillent leur Cour et sy cela empesche I C. de Connoistre et daprouer Lardeur quils ont dans le Cœur pour la priere, quoy donc leur ajoutay ie: tu quitte Iesus en quittant La priere parce ce qu'vn tel dit cela de toy, va tu nest pas sage dauoir sy peu de fermeté pour Iesus se traitement vn peu rude les remet dans leur deuoir, et ils me disent en sen allant, ie feray ce que tu mordonne souuent il y en a qui sexemptent a mon inceu de La priere dans La Confusion quils ont destre tombez dans quelques emport[em]ent[s] Considerables cela arriuent quelques fois aux femmes les plus feruentes de nostre mission, qui se Laissans surprendre par leur naturel facheux, en consoient vn moment apres vne extreme douleur: vous connoissez assez le fond de La vertu DAgnes, il luy arriua hier vn de ces fortes demportemens qui parut au dehors, vous eussiez esté rauy au Iourdhu y de voir de quelle maniere elle a tesmoigné la douleur de sa faute dans ces occasions ie tache de leur donner vne terrible Crainte de LEnfer et dabord quils sont vn peu Revenus a eux ie les enuoye a LEglise pour dire cinquante et cent fois cette priere a I C. mais posement, pardonnez moy aymable Iesus LEmportement ou ie suis tombé ah que ie ne sois eternellement damné, ie leur dis de me venir trouuer apres quils auront fait cette priere et que ie les Instruiray amplement, par cette maniere simple on arreste aisement parmy eux cequi trouble-roit en vn Instant toute La mission. quand ces emportemens caufent La defunion dans vne Cabane